



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 84. Reformatorum & Socinianorum Synodus Xiansi in Polonia.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

ſce ſectarios in unum agmen coegerat. Tandem dicebantur *Monarchici*, eo quod affererent, quod tanquam unicum, & ſupremum Deum duntaxat Deum Patrem agnoscerent; hodie dum autem in Hollandia, & Anglia nominantur *Memoniſtae*, *Arminiani*, *Coccejani*, *Tremulantes*, ſeu *Quackeri*, cum enim Sociniani nomen ubique infeſtum eſſet, eorum potiſſimi ſeſe ſocietatibus toleratis ad- junxerunt.

Sæcul. XVI.
A. C. 1562.

§. LXXXIV.

Reſormatorum, & Socinianorum Synodus Xianzi in Polonia.

*Lubien. Hiſt.
Reſ. Eccl.
Polon.*

Primum ab anno Chriſti milleſimo quingentefimo quinquageſimo ſecundo, ac quinto Socinianorum numerus uſque adeo excreverat, ut Pinzoviæ, Cracoviæ, Lublini, Luclaviæ & Kioviæ, necnon in Volchynia Provincia & alibi ſectæ ſuæ Eccleſias erigere valerent, demum vero tantopere potentia augebantur, ut ipſorum factio prævaleret in Synodis, quas regnante Sigismundo Auguſto, tam ipſi, quam exiſtimati Reſormatores in Polonia celebrabant.

Ceterum jam ſupra illarum memimus Synodorum, quas Anno Domini milleſimo quingentefimo quinquageſimo quinto Pinzoviæ habebant: illud ve-

Sæcul. XVI.
A. C. 1562.

ro conventiculum, quod Anno Christi millesimo quingentesimo sexagesimo primo die trigesima Januarii celebrabant, numero erat decimum nonum, vigesimum autem Mense Martio Anno supra millesimum quingentesimo sexagesimo secundo Xianzi cogebant.

Ibidem Blandratus ob vim, quam circa subscriptionem in Cracoviensi conventiculo sibi illatam fuisse querebatur, aliam sectæ suæ professionem offerebat, asserens, quod Pater, Filius, & Spiritus Sanctus tres diversæ sint Hypostases, quæ sunt essentialiter Deus. Admittebat insuper æternam Filii generationem, ejusque Divinitatem, nec minus profitebatur, quod Spiritus Sanctus verus sit Deus æternus a Patre Filioque procedens: quantumcunque autem hæc declaratio videretur orthodoxa, Synodus tamen illam in confes-
su prælegi haud sustinebat, sed eam prius privatis quibusdam discutiendam tradebat, aliis illam approbantibus, aliis vero eam abs dubio vel ideo rejicientibus, eoquod in ea non revocaretur opinio antea tanto ardore propugnata, in qua Blandratus dicebat, quod Patri quædam eminentia supra Filium competat.

§. LXXXV.